



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

X. In Oriente dein vetitum ne Episcopus ordinator jura enthronistica
verteret in suos usus.

urn:nbn:de:hbz:466:1-15617

nationis. Quippe interpretans Synodum Chalcedonensem, cuius verba eò tantum tendere videntur ut prohibeant emptionem suffragiorum pro electione & ordinatione, significat ejus synodi canone in universum prohiberi ut ne quid unquam accipiatur juris aut emolumentorum, non pro expeditione literarum, aut concessione Pallij neque etiam ob eam causam quæ prætexti solet vocabulo *pastelli* seu convivij. Hujus autem constitutionis hanc rationem reddit, quia si Episcopus manum suam, quam super ordinati caput imponit, vendere non debet, ita nec Diaconus vocem suam, quam adhibet in lectione Evangelij, neque Notarius calatum, quo utitur ad scriendas literas confirmationis, venundare non debet. Prohibet insuper ne ordinatus aliquid det pro ordinatione, Pallio, literis, aut convivio. Si tamen post ordinationem acceptasque literas & Pallium, proprio motu, & irrequisitus, aliquid, gratia tantummodo causa, clero dare voluerit, licet id esse ait, modò id non fiat ex conventione quæ præcesserit. Decretum igitur illud prorsus damnat Annatas. Referatur autem apud Gratianum in Decreto c. Novit. d. 100. & I. q. 2. cap. *Sicut Episcopum.* Sic autem habet: *Antiquam patrum regulam sequens, nihil unquam de ordinationibus accependum esse constituto, neque ex datione Pallij, neque ex traditione chartarum, neque ex ea quam nova per ambitionem simulatio inventit appellatione pastelli. Quia enim ordinando Episcopo Pontifex manum imponit, evangelicam lectionem Minister legit, confirmationis autem ejus epistolam Notarius scribit, sicut Pontificem non decet manus quam imponit vendere, ita Minister vel Notarius non debet in ordinatione ejus vocem suam vel calatum venundare. Pro ordinatione vero, vel Pallio, seu chartis, atque pastello, cundem qui ordinandus vel ordinatus est, omnino aliquid dare prohibeo. Ex quibus predictis rebus si quis hinc aliquid commodi appellatione exigere vel deferre forte presumperet, in districto Dei omnipotentis examine reatu subjacebit. Is autem qui ordinatus fuerit, si non ex placito, neque exactus, neque petitus, post acceptas chartas & Pallium aliquid cuilibet ex clero, gratia tantummodo causa, dare voluerit, hoc accipi nullo modo prohibemus: quia ejus oblatio nullam culpe maculam ingerit, que ex accipientis ambitu non processit.*

X. Post constitutionem illam in Concilio Romano factam sanctissimus hic Pontifex cupiit ut prava isthac consuetudo, quæ in universo Occidente vigebat, prorsus evelleretur. Hanc ob rem urgentissimas epistolas scripsit ad Regem Childebertum & ad

Metropolitanum Arelatensem pro Episcopis Galliarum & Germaniarum, ad Regnam item Brunichildem, ad Reges Theodoricum & Theodebertum, & ad Episcopos Galliarum, ad Metropolitanum Corinthiacum, & ad Episcopos provinciæ Hellados sive Gracia, ad Episcopos Epiri sive Albania, ad Hesycium Patriarcham Hierosolymitanum, & ad Eulogium Patriarcham Alexandrinum. Hanc autem curam post Concilium celebratum suscepisse Gregorium patet ex notis annorum in calcu epistolarum positris, tum etiam ex verbis epistole ad Ioannem Episcopum Corinthiacum scriptæ, ubi sanctus Gregorius ait abolitam fuisse in eo Concilio consuetudinem accipiendo aliquod lucrum pro Pallio. Unde concludit non debere Metropolitanum illum ullum *commodum*, id est, aliquam utilitatem aut lucrum percipere ex ordinationibus.

Ceterum idem Gregorius in his epistolis velut fundamentum istius prohibitionis laudat præceptum Iesu Christi, qui apud Matthæum ait in capite xix. *Gratis accepisti, gratis date.* Item exemplum Domini nostri quando ejecit è templo eos qui vendebant columbas, & sententiam à sancto Petro pronuntiatam adversus Simonem magum, qui dona Spiritus sancti emere volebat. Qui *ad omnes* bus auctoritatibus fretus non dubitat dicere; *quia cum quem quis cum precio ordinat, provehendo agit ut hereticus fiat;* & illas ordinationes quæ pretio constant, hæresim simoniacam vocat.

X. Præjudicium illud à sancto Gregorio factum ejus momenti visum est in Oriente ut licet Metropolitani non cessarent à recipiendis juribus enthronisticis, que Iustiniani auctoritate firmata erant, decretum tamen fuerit ne Episcopus ordinatorea verteret in suos usus, sed pauperibus Clericis distribueret pro eorum almonia. Prohibitio autem illa descripta est in articulo x. Instructionum quas Patriarcha tempore ordinationis suæ dabat Metropolitanis: *Statuimus ut inthronismus, quem non accant, non ei qui ordinat Episcopum, (abst ut hoc fiat) sed pauperioribus Clericis vel alio quodam ecclesiastico munere fungentibus, ratione facultatum ecclesiasticarum habita, detur.* Quippe si locuples sit Episcopum, nequam prohibemus quomodo in eos qui ministeris ecclesiasticis in servium, & in opem vitam traducunt, velut ex beneficentia, munuscula quadam conferantur.

XI. Laudabilis illa consuetudo, ut nihil accipi debeat neque pro Pallio, neque pro literis confirmationis, vigebat etiamnum

Gregorius lib. 4.
ep. 51. 53. 55. 56.
lib. 5. ep. 7. lib. 7.
ep. 5. 113. 114.